

AKK
CMA

UGOVOR
o pružanju usluga revizije finansijskih izvještaja Zavoda zdravstvenog osiguranja
Kantona Sarajevo za 2016. godinu

Zaključen u Sarajevu 11.05.2017. godine između:

Zavoda zdravstvenog osiguranja Kantona Sarajevo, ul. Ložionička broj 2 (u daljem tekstu Ugovorni organ), kojeg zastupa direktor Mr.sci.oec.prim.spec.dr. Samir Turković

i

Revsar d.o.o. Sarajevo, ul. Dolina broj 2/II (u daljem tekstu Dobavljač) kojeg zastupa Alma Delić, prokurista

PREDMET UGOVORA

Član 1.

Predmet ugovora je regulisanje prava i obaveza između Ugovornog organa i Dobavljača kao izabranog ponuđača u postupku nabavke putem konkurentskog zahtjeva, za pružanje usluga revizije finansijskih izvještaja Zavoda zdravstvenog osiguranja Kantona Sarajevo za 2016. godinu a u skladu sa Posebnom odlukom o pokretanju postupka javne nabavke broj: 03-08-A.B.R.-13901/17 od 14.04.2017. godine, Rješenjem o imenovanju komisije broj 03-08-Dž.H.N.-13901-RK/17 od 14.04.2017. godine, Konkurentskim zahtjevom broj 03-08-Dž.H.N.-13901-KZ/17 od 17.04.2017. godine, Objavom obavještenja broj 814-7-2-19-3-9/17 od 17.04.2017. godine, Odlukom o izboru broj 03-08-Dž.H.N.-13901-OI/17 od 05.05.2017. godine i ponudom ponuđača broj 01-151/05-17 od 03.05.2017. godine.

Član 2.

Predmet nabavke je pružanje usluga revizije finansijskih izvještaja Zavoda zdravstvenog osiguranja Kantona Sarajevo za 2016. godinu prema specifikaciji iz Konkurentskog zahtjeva za dostavu ponuda broj 03-08-Dž.H.N.-13901-KZ/17.

OBAVEZE UGOVORNIH STRANA

Član 3.

Dobavljač se obavezuje izvršiti reviziju finansijskih izvještaja Zavoda zdravstvenog osiguranja Kantona Sarajevo za 2016. godinu koja je predmet ovog ugovora i koja kvalitetom i obimom u svemu odgovara karakteristikama preciziranim u Konkurentskom zahtjevu za dostavu ponuda broj 03-08-Dž.H.N.-13901-KZ/17, na način i rokovima regulisanim ovim ugovorom i ponudom Dobavljača.

Dobavljač se obavezuje dostaviti Ugovornom organu:

- nacrt Izvještaja o reviziji finansijskih izvještaja Zavoda zdravstvenog osiguranja Kantona Sarajevo za 2016. godinu;
- konačni Izvještaj o reviziji finansijskih izvještaja Zavoda zdravstvenog osiguranja Kantona Sarajevo za 2016. godinu sa nezavisnim revizorskim mišljenjem i Izvještajem o obavljenoj reviziji finansijskih izvještaja;
- Pismo upravi Zavoda zdravstvenog osiguranja Kantona Sarajevo;

Član 4.

Ugovorni organ se obavezuje da od strane Dobavljača primi nacrt Izvještaja, konačni Izvještaj i Pismo upravi te iste potvrdi potpisivanjem Izjave o prihvatanju Izvještaja, te plati ugovorenu cijenu u roku od 60 dana, kako je to definisano u Konkurentskom zahtjevu, ponudi dobavljača i ovom Ugovoru.

 



1302
04

Član 5.

Cijena usluge – revizije finansijskih izvještaja Zavoda zdravstvenog osiguranja Kantona Sarajevo za 2016. godinu - koja je predmet ovog ugovora ukupno iznosi **11.700,00 KM sa PDV-om** (jedanaest hiljadasedamstotina 00/100 KM) tj. 10.000,00 KM bez PDV-a. Dobavljač se obavezuje da će uslugu iz člana 1. ovog Ugovora pružiti po ovoj ukupnoj cijeni u kojoj je uračunat PDV, i svi drugi zavisni troškovi.

Član 6.

Cijenu iz člana 5. ovog ugovora Ugovorni organ će isplatiti u roku od 60 dana nakon blagovremeno dostavljenih akata iz člana 3. ovog Ugovora kao i ispravno ispostavljenje fakture za pružene usluge.

ROK ISPORUKE

Član 7.

Dobavljač se obavezuje da će pružiti usluge koje su predmet ovog Ugovora u rokovima kako je navedeno u ponudi ponuđača broj 01-151/05-17 od 03.05.2017. godine tj. da će ispoštovati sljedeće rokove:

- Da će početi sa radom u roku od 1-og (jednog) dana od dana potpisivanja ugovora,
- Da će izraditi nacrt izvještaja u roku od 8 (osam) dana od dana potpisivanja ugovora,
- Da će izraditi konačni izvještaj u roku od 11 (jedanaest) dana od dana potpisivanja ugovora,
- Da će izraditi pismo upravi u roku od 13 (trinaest) dana od dana potpisivanja ugovora.

Dobavljač se obavezuje da će kompletna revizija koja je predmet ovog ugovora biti okončana u roku od 13 (trinaest) dana od trenutka potpisivanja ovog Ugovora.

Dobavljač se dodatno obavezuje da će ispoštovati rok angažmana kod ugovornog organa (vrijeme provedeno na terenu) od 252 sata što podrazumjeva ukupan broj radnih sati svih angažovanih lica od strane ponuđača za vrijeme vršenja ugovorne obaveze.

Član 8.

Dobavljač ima pravo na produženje ugovornog roka ako je u izvršenju usluge u tom roku bio spriječen izvanrednim događajima, koji se nisu mogli predvidjeti u vrijeme zaključenja ugovora.

Izvanrednim događajima se smatraju:

- prirodni događaji koji se smatraju višom silom (poplave, zemljotresi druge prirodne nepogode).

Dobavljač je dužan da Ugovorni organ pisano obavijesti o svojoj namjeri da zbog navedenih okolnosti traži produženje roka.

Član 9.

Ako Dobavljač zakasni sa izvršenjem usluge, nema pravo na produženje ugovornog roka zbog okolnosti koje su nastale u vrijeme kada je bio u kašnjenju u skladu sa zakonskom regulativom dužan je izvršiti obeštećenje Ugovornom organu za štetu koju je pretrpio.

Član 10.

Ugovorni organ zadržava pravo imenovanja predstavnika Zavoda zdravstvenog osiguranja Kantona Sarajevo u svrhu pripreme i realizacije ugovornih obaveza a u cilju transparentnosti i efikasnosti obavljanja posla.

 2




PRESTANAK UGOVORA

Član 11.

Ugovor prestaje njegovim izvršenjem, odnosno obostranim ispunjenjem ugovornih obaveza ugovornih strana.

Član 12.

Ugovor može prestati i prije njegovog izvršenja, u slučaju raskida.

Ugovorni organ može raskinuti ugovor:

- ako Dobavljač neblagovremeno izvršava ugovorne obaveze,
- ako Dobavljač ne bude redovno izmirivao obaveze po osnovu javnih prihoda,
- ako Ugovorni organ ne bude mogao da izvršava svoje obaveze iz ugovora,
- ako je zaostajanje u vršenju revizije koja je predmet ugovora takvo da može dovesti u pitanje izvršenje ugovora.

Zbog zaostajanja u izvršenju usluge, Ugovorni organ može raskinuti ugovor samo ako je do zaostajanja došlo krivicom Dobavljača.

Član 13.

Ugovorni organ će raskinuti ugovor sa Dobavljačem ukoliko se ustanovi da ponuđena usluga revizije koja je zadovoljila zahtjeve u pozivu za dostavu ponude, nije jednaka izvršenoj usluzi koja je predmet ugovora.

Član 14.

Ugovor se ne može raskinuti zbog neizvršenja neznatnog dijela ugovorne obaveze. Ugovor se raskida pisanom izjavom koja se dostavlja drugoj strani. U izjavi mora biti naznačeno po kom osnovu se ugovor raskida.

OSTALE ODREDBE

Član 15.

Svi sporovi koji eventualno nastanu iz ovog ugovora rješavat će se međusobnim sporazumom ugovornih strana. Ako se spor ne riješi na taj način, ugovorna strana može se za rješenje obratiti stvarno nadležnom sudu u Sarajevu.

Član 16.

Ponuđač kojem je dodijeljen ugovor nema pravo zapošljavati, u svrhu izvršenja ugovora fizička ili pravna lica koja su učestvovala u izradi predmetnog konkurentskog zahtjeva, najmanje šest mjeseci po zaključenju ugovora, odnosno od početka realizacije ugovora.

Član 17.

Za sve ono što nije regulisano ovim ugovorom primjenjuju se važeći propisi i poslovni običaji u oblasti predmetnih nabavki i Zakon o obligacionim odnosima.

Handwritten signatures in blue ink, one above the other.

132
0.4



ZAVRŠNE ODREDBE

Član 18.

Sastavni dio ovog ugovora su:

- Prihvaćena ponuda Dobavljača broj 01-151/05-17 od 03.05.2017. godine.,
- Konkurentski zahtjev broj 03-08-Dž.H.N.-13901-KZ/17 od 17.04.2017. godine,
- Odluka o izboru najpovoljnijeg ponuđača broj 03-08-Dž.H.N.-13901-OI/17 od 05.05.2017. godine.

Član 19.

Ovaj ugovor zaključen je u četiri (4) istovjetna primjerka od kojih svaka ugovorna strana zadržava po dva (2) primjerka.

DOBAVLJAČ

Revsar d.o.o. Sarajevo

Alma Delić

Alma Delić, prokurista

Broj: 01-170/5-17
Datum: 15.05.2017



UGOVORNI ORGAN

Zavod za zdravstvenog osiguranja
Kantona Sarajevo



Samir Turković
Mr.sc. spec.prim.spec.dr. Samir Turković

Broj: 03-08-Dž.H.N.-13901-UG/17
Datum: 11.05.2017. godine.

Handwritten signatures